

# RUMANTSCH GRISCHUN PER RUMANTSCHS

## GRAMMATICA I



## D. GRAMMATICA I

## 1. L'ARTITGEL DEFINIT

|                         | <i>singular</i>                               |  | <i>plural</i>                                     |  |
|-------------------------|---|--|---|--|
|                         | masculin                                      | feminin  | masculin  | feminin  |
| <b>avant consonants</b> | <b>il</b> mat<br><b>il</b> scolar             | <b>la</b> matta<br><b>la</b> scolara           | <b>ils</b> mats<br><b>ils</b> scolars             | <b>las</b> mattas<br><b>las</b> scolaras           |
| <b>avant vocals</b>     | <b>l'</b> ami<br><b>l'</b> actur              | <b>l'</b> amia<br><b>l'</b> actura             | <b>ils</b> amis<br><b>ils</b> acturs              | <b>las</b> amias<br><b>las</b> acturas             |
| <b>avant h</b>          | <b>l'</b> hotelier<br><b>il</b> <u>h</u> arem | <b>l'</b> hoteliera<br><b>la</b> <u>h</u> alla | <b>ils</b> hoteliers<br><b>ils</b> <u>h</u> arems | <b>las</b> hotelieras<br><b>las</b> <u>h</u> allas |

## L'artitgel definit cun preposiziuns:

a + il = al  
a + ils = als  
da + il = dal  
da + ils = dals

**ma:** a la, a l' a las  
da la, da l' da las  
**era:** cun il, cun ils, cun la, cun las, cun l'  
en il, en ils, en la, en las, en l'  
per il, per ils, per la, per las, per l'  
sin il, sin ils, sin la, sin las, sin l'  
etc.

|               | pronom<br>persunal<br>↓                         | indicativ<br>preschent<br>↓  |
|---------------|---|--|
| <b>ESSER:</b> | jau<br>ti<br>el/ella<br>nus<br>vus<br>els/ellas | <b>sun</b><br><b>es</b><br><b>è</b><br><b>essan</b><br><b>essas</b><br><b>èn</b> |
| pp.:          | stà / stada<br>stads / stadas                   |  |

|               | pronom<br>persunal<br>↓                         | indicativ<br>preschent<br>↓   |
|---------------|---|---|
| <b>AVAIR:</b> | jau<br>ti<br>el/ella<br>nus<br>vus<br>els/ellas | <b>hai</b><br><b>has</b><br><b>ha</b><br><b>avain</b><br><b>avais</b><br><b>han</b> |
| pp.:          | gì  |   |

## 2. L'ARTITGEL INDEFINIT

|  | <i>singular</i>         |                           | <i>plural</i>       |                      |
|--|-------------------------|---------------------------|---------------------|----------------------|
|  | masculin                | feminin                   | masculin            | feminin              |
| <b>avant consonants</b>                  | in mat<br>in scolar     | ina matta<br>ina scolara  | mats<br>scolars     | mattas<br>scolaras   |
| <b>avant vocals</b>                      | in ami<br>in actur      | in'amia<br>in'actura      | amis<br>acturs      | amias<br>acturas     |
| <b>avant h mit<br/>avant h pronunzià</b> | in hotelier<br>in harem | in'hoteliera<br>ina halla | hoteliers<br>harems | hotelieras<br>hallas |

**IR**

|           |              |
|-----------|--------------|
| jau       | <b>vom</b>   |
| ti        | <b>vas</b>   |
| el/ella   | <b>va</b>    |
| nus       | <b>giain</b> |
| vus       | <b>giais</b> |
| els/ellas | <b>van</b>   |

pp.: ì / ida  
ids / idas

**VEGNIR**

|           |               |
|-----------|---------------|
| jau       | <b>vegn</b>   |
| ti        | <b>vegns</b>  |
| el/ella   | <b>vegn</b>   |
| nus       | <b>vegnin</b> |
| vus       | <b>vegnis</b> |
| els/ellas | <b>vegnan</b> |

pp.: vegnì / vegnida  
vegnids / vegnidas

## 3. IL SUBSTANTIV

|   | <i>masculin</i>                  |  | <i>feminin</i>                         |   |
|---|----------------------------------|--|--|---|
| <b>cas normal</b>                                 | singular                         | plural                                 | singular                               | plural  |
| plural =<br>singular + s                          | il frar<br>l'ami                 | ils frars<br>ils amis                  | la sor(a)<br>l'amia                    | las sor(a)s<br>las amias  |
| singular sin -s<br>> plural = inv.                | il cas<br>il nas                 | ils cas<br>ils nas                     | la blais<br>la buis                    | las blais<br>las buis   |
| singular sin -x e -z<br>> plural sin<br>-xs e -zs | l'erox<br>il piz<br>il raz       | ils eroxs<br>ils pizs<br>ils razs      |  |   |
| <b>amplificaziun<br/>dal tschep</b>               |                                  |  |  |   |
| singular sin -è ><br>plural sin -els              | il chapè<br>l'utschè             | ils chapel<br>ils utschel              | ma: café > cafés<br>clisché > clischés |   |
| singular sin -à ><br>plural sin -ads              | il prà<br>il deputà              | ils prads<br>ils deputads              | collectiv: la prada                    |   |
| singular sin -ì ><br>plural sin -ids              | il vestgì<br>l'impedì            | ils vestgids<br>ils impedids           | collectiv: la vestgadira               |   |
| cas speziats                                      | l'um                             | ils umens                              | la dunna<br>la matta                   | las dunnauns<br>las mattauns<br>pli frequent:<br>dunnas<br>mattas |
| <b>plural collectiv</b>                           |                                  |  |  |   |
| plural collectiv =<br>singular + a                | il bratsch<br>il mail<br>il grip | ils bratschs<br>ils mails<br>ils grips | la bratscha<br>la maila<br>la grippa   |   |

## 4. L'ADJECTIV

|                               | <i>masculin</i>                          |  | <i>feminin</i>   |  |
|-------------------------------|--|--|--|--|
|                               | <i>singular</i>                          | <i>plural</i>                                | <i>singular</i>  | <i>plural</i>                                |
| <b>cas normal</b>             | grond<br>nair<br>nov<br>avert            | gronds<br>nairs<br>novs<br>averts            | gronda<br>naira<br>nova<br>averta  | grondas<br>nairas<br>novas<br>avertas        |
| <b>cas spezial</b>            | cotschen<br>pitschen<br>flaivel<br>liber | cotschens<br>pitschens<br>flaivels<br>libers | cotsch <u>na</u><br>pitsch <u>na</u><br>flaiv <u>la</u><br>lib <u>ra</u> | cotschnas<br>pitschnas<br>flaivlas<br>libras |
| graduaziun<br>cun:            |  |  |  |  |
| <b>• pli, il pli</b>          | grond                                    | pli grond                                    | il pli grond   |  |
| <b>• plets<br/>differents</b> | bun                                      | meglier (pli bun),<br>megra                  | il meglier (il pli bun), la<br>megra                                     |  |
|                               | mal                                      | pir (pli mal), pira                          | il pir (il pli mal), la pira   |  |
|                               | nausch                                   | mender (pli nausch),<br>mendra               | il mender (il pli nausch),<br>la mendra                                  |  |

Pussaivlas èn era las furmas cun il suffix **-ischem** (bunischem, grondischem, euv.).

**STAR**

|           |                |
|-----------|----------------|
| jau       | <b>stun</b>    |
| ti        | <b>stas</b>    |
| el/ella   | <b>stat</b>    |
| nus       | <b>stain</b>   |
| vus       | <b>stais</b>   |
| els/ellas | <b>stattan</b> |

pp.: stà / stada  
stads / stadas

**DAR**

|           |               |
|-----------|---------------|
| jau       | <b>dun</b>    |
| ti        | <b>das</b>    |
| el/ella   | <b>dat</b>    |
| nus       | <b>dain</b>   |
| vus       | <b>dais</b>   |
| els/ellas | <b>dattan</b> |

pp.: dà / dada  
dads / dadas

#### 4. L'ADJECTIV (supplement 1)

Sper ils cas speziels dal tip **cotschen/cotschna**, **pitschen/pitschna**, **flaivel/flaivla**, **liber/libra**, **bunmartgà/bunmartgada**, **defini/definida** na datti en rg nagins midaments dal tschep tar la furmaziun dal genus da l'adjectiv. Damai:

**avert/averta** [S: aviert/aviarta] **nov/nova** [S: niev/nova], **bel/bella** [S: bi/biala], **bun/buna** [S: bien/buna], etc.

En rg na datti era nagins midaments dal tschep tranter *l'adjectiv attributiv* e *l'adjectiv predicativ* sco en S, pia:

*Il tschiel* **blau**

*Il tschiel è blau* [S: Il tschiel ei blaus]

*In bun bab* [S: In bien bab]

*Il bab è bun* [S: Il bab ei buns]

*In bel hotel* [S: In bi hotel]

*L'hotel è bel* [S: Igl hotel ei bials]

*In vestgì nov* [In vestgiu niev]

*Il vestgì è nov* [Il vestgiu ei novs]

etc.

**Il -s tar l'adjectiv masculin en posiziun predicativa dal sursilvan („- s predicativ“) croda pia en rg!**

**Attenziun S:**

Adjectivs sin - ont > - ant (suandant, impurtant, etc.)

## 4. L'ADJECTIV (supplement 2)

### La furmaziun dal feminin

#### Cas normal:

| adj. masculin  | + | <u>- a</u>      |
|----------------|---|-----------------|
| <i>grond</i>   |   | <i>gronda</i>   |
| <i>nair</i>    |   | <i>naira</i>    |
| etc.           |   |                 |
| ma era:        |   |                 |
| <i>avert</i>   |   | <i>averta</i>   |
| <i>bel</i>     |   | <i>bella</i>    |
| <i>bun</i>     |   | <i>buna</i>     |
| <i>bler</i>    |   | <i>blera</i>    |
| <i>cuntent</i> |   | <i>cuntenta</i> |
| <i>nov</i>     |   | <i>nova</i>     |
| <i>quant</i>   |   | <i>quanta</i>   |
| <i>sontg</i>   |   | <i>sontga</i>   |
| <i>stretg</i>  |   | <i>stretga</i>  |
| <i>tant</i>    |   | <i>tanta</i>    |
| <i>terz</i>    |   | <i>terza</i>    |
| <i>lom</i>     |   | <i>loma</i>     |
| <i>nar</i>     |   | <i>narra</i>    |

#### Cas speziats:

##### - adj. sin -el nunaccentuà

|                    |                    |
|--------------------|--------------------|
| <i>flaivel</i>     | <i>flaivla</i>     |
| <i>ventiraivel</i> | <i>ventiraivla</i> |
| <i>stanchel</i>    | <i>stancla</i>     |

##### - adj. sin -al nunaccentuà

|               |               |
|---------------|---------------|
| <i>viscal</i> | <i>viscla</i> |
|---------------|---------------|

##### - adj. sin -en nunaccentuà

|                 |                 |
|-----------------|-----------------|
| <i>giuven</i>   | <i>giuvna</i>   |
| <i>cotschen</i> | <i>cotschna</i> |
| <i>orfen</i>    | <i>orfna</i>    |
| <i>pitschen</i> | <i>pitschna</i> |

**- adj. sin -er nunaccentuà**

|                |                      |
|----------------|----------------------|
| <i>liber</i>   | <i>lib<u>ra</u></i>  |
| <i>meglier</i> | <i>me<u>gl</u>ra</i> |
| <i>mender</i>  | <i>me<u>nd</u>ra</i> |
| <i>pauper</i>  | <i>pa<u>up</u>ra</i> |
| <i>pover</i>   | <i>po<u>v</u>ra</i>  |

**cas particulars**

|               |                        |
|---------------|------------------------|
| <i>agen</i>   | <i>at<u>g</u>na</i>    |
| <i>biling</i> | <i>bi<u>l</u>ingua</i> |
| <i>lartg</i>  | <i>lar<u>g</u>ia</i>   |
| <i>legher</i> | <i>le<u>g</u>ra</i>    |
| <i>mez</i>    | <i>me<u>s</u>a</i>     |

**cun duplicaziun dal consonant final**

|              |                       |
|--------------|-----------------------|
| <i>bel</i>   | <i>be<u>l</u>la</i>   |
| <i>fiac</i>  | <i>fi<u>a</u>cca</i>  |
| <i>scrit</i> | <i>scrit<u>t</u>a</i> |
| <i>solen</i> | <i>sole<u>n</u>na</i> |
| <i>stip</i>  | <i>stip<u>p</u>a</i>  |
| <i>plat</i>  | <i>pl<u>a</u>ta</i>   |
| <i>rut</i>   | <i>ru<u>t</u>a</i>    |

(ed era: *gross/grossa, (s)fess/(s)fessa, etc.*)

però:  
*vis*

*visa*

**auters particips perfects duvrads sco adj.**

|                  |                    |
|------------------|--------------------|
| <b>- à</b>       | <b>-ada</b>        |
| <i>maridà</i>    | <i>maridada</i>    |
| <i>bunmartgà</i> | <i>bunmartgada</i> |

|               |                 |
|---------------|-----------------|
| <b>-i</b>     | <b>-ida</b>     |
| <i>naschi</i> | <i>naschida</i> |
| <i>defini</i> | <i>definida</i> |



## La cumparaziun

### cun l'adjectiv

|                          |              |                 |            |                 |
|--------------------------|--------------|-----------------|------------|-----------------|
|                          | <b>pli</b>   | <i>eleganta</i> | <b>che</b> |                 |
| <i>La giacca naira è</i> | <b>uschè</b> | <i>bella</i>    | <b>sco</b> | <i>la verda</i> |
|                          | <b>main</b>  | <i>chara</i>    | <b>che</b> |                 |

### cun l'adverb

|                  |              |              |            |             |
|------------------|--------------|--------------|------------|-------------|
|                  | <b>pli</b>   | <i>mal</i>   | <b>che</b> |             |
| <i>El lavura</i> | <b>uschè</b> | <i>bain</i>  | <b>sco</b> | <i>ella</i> |
|                  | <b>main</b>  | <i>spert</i> | <b>che</b> |             |

## L'adiever da uschè ed uschia

### Adverb da la moda e maniera (adverb modal)

**uschè**                   vegn duvrà en cumbinaziun cun in adjectiv u cun in adverb:  
*uschè bel, uschè trid, uschè grond*  
*uschè mal, uschè spert, uschè dalunsch*

**uschia**                   vegn duvrà sulettamain absolut (a l'entschatta ed a la fin da la frasa)  
*uschia na pos ti betg lavurar, quai è uschia*

### Adverb da cumparaziun

**uschè ... sco**       *Ella è uschè curaschusa sco sia sora*  
  
*El scriva uschè bain sco ses frar*

### Conjuncziun consecutiva

**uschia che**       *Jau terminesch la lavur questa saira, uschia che jau poss partir damaun.*

## 5. L'ADVERB

| Furmaziun: adverb = adjectiv feminin + <b>-main</b>   |   |  |   |
|---|---|--|---|
|   | <i>adjectiv masculin</i>  | <i>adjectiv feminin</i>  | <i>adverb</i>   |
| <b>cas normal</b>   |   |  |   |
|   | curt<br>liber<br>probabel<br>profund<br>relativ   | curta<br><u>libra</u><br>probab <u>la</u><br>profunda <u>a</u><br>relativa <u>a</u>  | curt <u>amain</u><br>libr <u>amain</u><br>probab <u>lamain</u><br>profund <u>amain</u><br>relativ <u>amain</u>  |
| <b>cas speziels</b>   |   |  |   |
| <p>Furmaziun:<br/>adverb = adjectiv<br/>masc. + <b>-main</b></p> <p><u>concerna</u>:<br/>adjectivs da pli<br/>d'ina silba cun<br/>suffix <i>-al</i>, <i>-ar</i><br/><i>accentuà</i> e cun<br/>suffix <i>-il</i></p> | cordial<br>final<br>regular<br>gentil<br>facil<br><br><b>ma</b> :<br>char<br>mal<br>rar | cordiala<br>finala<br>regulara<br>gentila<br>facila<br><br>chara<br>mala<br>rara     | cordial <u>main</u><br>final <u>main</u><br>regular <u>main</u><br>gentil <u>main</u><br>facil <u>main</u><br><br>char <u>amain</u><br>mal <u>amain</u><br>rar <u>amain</u><br>(darar, rar) |
| <b>differentes tscheps</b>  | bun<br>nausch   | buna<br>nauscha  | bain<br>mal   |
| <b>adjectivs cun<br/>funcziun d'adverb</b>  | mal<br>ferm<br>franc<br>segir<br>spert<br>quiet<br>immediat<br>svelt<br>tard            | mala<br>ferma<br>franca<br>segira<br>sperta<br>quieta<br>immediata<br>svelta<br>tard | mal(amain)<br>ferm(amain)<br>franc(amain)<br>segir(amain)<br>spert(amain)<br>quiet(amain)<br>immediat(amain)<br>svelt<br>tard   |

| graduaziun da l'adverb                   | <i>positiv</i>              | <i>cumparativ</i>  | <i>superlativ</i>   |
|--|-----------------------------|--|---|
| cas normal<br>cun:<br><b>pli, il pli</b> | regularmain<br>libramain    | pli regularmain<br>pli libramain   | il pli regularmain<br>il pli libramain  |
| cas speziels                             | bain<br>mal<br>bler<br>pauc | <b>meglier</b> , pli bain<br><b>pir</b> , pli mal<br><b>dapli</b> , pli bler<br><b>main</b> , pli pauc | <b>il meglier</b> , il pli bain<br><b>il pir</b> , il pli mal<br>il pli bler<br>il pli pauc |

Pussaiplas èn era las furmas cun il suffix **-ischem**: bainischem, malischem, nauschischem, blerischem, pauchischem.

### SAVAIR

|           |               |
|-----------|---------------|
| jau       | <b>sai</b>    |
| ti        | <b>sas</b>    |
| el/ella   | <b>sa</b>     |
| nus       | <b>savain</b> |
| vus       | <b>savais</b> |
| els/ellas | <b>san</b>    |
| pp.: savi |               |


### PUDAIR

|           |               |
|-----------|---------------|
| jau       | <b>poss</b>   |
| ti        | <b>pos</b>    |
| el/ella   | <b>po</b>     |
| nus       | <b>pudain</b> |
| vus       | <b>pudais</b> |
| els/ellas | <b>pon</b>    |
| pp.: pudi |               |

## 7. ILS PRONOMS

| 7.1. Il pronom personal                                |   |   |
|--|---|---|
| <p>1. pronoms subjects</p> <p>furma da curtaschia:</p> | <p>jau<br/>ti<br/>el<br/>ella<br/>i (igl avant voc.) 'es'<br/>ins 'man'</p> <p>Vus</p>  | <p>nus<br/>vus<br/>els<br/>ellas<br/>i (m./f.)</p>  |
| 2. pronoms enclitics                                   | <i>posiziun proclitica</i><br>(davant il verb)  | <i>posiziun enclitica</i><br>(davos il verb)<br>"lingua discurreda"   |
|  | <p>jau gid<br/>ti gidas<br/>el gida<br/>ella gida<br/>i gida<br/>ins gida<br/>nus gidain<br/>vus gidais<br/>els gidan<br/>ellas gidan</p>   | <p>oz gid jau → oz gida<u>a</u><br/>oz gidas ti → oz gidas<br/>oz gida el → oz gida<u>l</u><br/>oz gida ella → oz gid'<u>la</u><br/>oz gida i → oz gid<u>i</u><br/>oz gida ins → oz gid'<u>ins</u><br/>oz gidain nus → oz gidain<u>sa</u><br/>oz gidais vus → oz gidais<br/>oz gidan els → oz gidan<u>i</u><br/>oz gidan ellas → oz gidan<u>i</u></p>   |
| 3. pronoms objects                                     | <i>pronoms objects accentuads</i>   | <i>pronoms objects nunaccentuads</i><br>(dativ + accusativ)   |
|  | <p>mai nus<br/>tai vus<br/>el els<br/>ella ellas</p> <p><b>exempel:</b><br/>el gida mai<br/>el gida tai<br/>el gida el<br/>el gida ella<br/>el gida nus<br/>el gida vus<br/>el gida els<br/>el gida ellas</p> | <p>ma (m' avant voc.) ans<br/>ta (t' avant voc.) as<br/>al als<br/>la (l' avant voc.) las<br/><small>[al, la; als, las = per dat. + acc.]</small></p> <p><b>exempel:</b><br/>el ma gida el m'ha gidà<br/>el ta gida el t'ha gidà<br/>el al gida el al ha gidà<br/>el la gida el l'ha gidà<br/>el ans gida el ans ha gidà<br/>el as gida el as ha gidà<br/>el als gida el als ha gidà<br/>el las gida el las ha gidà</p> |

| 7.2. Il pronom reflexiv                            |   |  |  |   |
|--|---|--|--|---|
| pronoms reflexivs nunaccentuads                    | ma (m' avant voc.)<br>ta (t' avant voc.)<br>sa (s' avant voc.)<br>ans<br>as<br>sa (s' avant voc.)                 | jau ma lav<br>ti ta lavas<br>el/ella sa lava<br>nus ans lavain<br>vus as lavais<br>els/ellas sa lavan  |  |   |
| pronoms reflexivs accentuads                       | mai<br>tai<br>sai<br>nus<br>vus<br>sai  | jau lavur per mai/per mamez<br>ti lavuras per tai/per tatez<br>ella lavura per sai/per sasezza<br>nus lavurain per nus/per nus sezs<br>vus lavurais per vus/per vus sezs<br>ellas lavuran per sai/per sasezzas |  |   |
| 7.3. Il pronom possessiv                           |   |  |  |   |
| sco adjectiv en posiziun attributiva e predicativa | <u>sg.m.</u><br>mes<br>tes<br>ses<br>noss<br>voss<br>lur<br><br><b>exempel:</b><br>mes chapè<br>quest chapè è mes | <u>pl.m.</u><br>mes<br>tes<br>ses<br>noss<br>voss<br>lur<br><br><b>exempel:</b><br>mes chapels<br>quests chapels èn mes  | <u>sg.f.</u><br>mia<br>tia<br>sia<br>nossa<br>vossa<br>lur<br><br><b>exempel:</b><br>mia chasa<br>questa chasa è mia | <u>pl.f.</u><br>mias<br>tias<br>sias<br>nossas<br>vossas<br>lur<br><br><b>exempel:</b><br>mias chasas<br>questas chasas èn mias |
| substantivà  | il mieu<br>il tieu<br>il sieu<br>il noss<br>il voss<br>il lur<br><br><b>exempel:</b><br>quai è il mieu            | ils mes<br>ils tes<br>ils ses<br>ils noss<br>ils voss<br>ils lur<br><br><b>exempel:</b><br>quai èn ils mes   | la mia<br>la tia<br>la sia<br>la noss<br>la voss<br>la lur<br><br><b>exempel:</b><br>quai è la mia                   | las mias<br>las tias<br>las sias<br>las nossas<br>las vossas<br>las lur<br><br><b>exempel:</b><br>quai èn las mias              |
| 7.4. Il pronom demonstrativ                        |   |  |  |   |

|  |   |  |   |
|--|---|--|---|
| <p><b>Furmas</b></p>   | <p>quest(s), questa(s)<br/>         quel(s), quel(la)<br/>         lez(s), lezza(s)<br/>         tschel(s), tschella(s)<br/>         tal(s), tala(s)<br/>         medem(s), medema(s)<br/>         sez(s), sezza(s)</p>   |    | <p>Adiever (absolut e sco adjectiv attributiv) sco en ils singuls idioms!</p> <p>Atenziun S:<br/>         quai è vair(a) [≠ quai cudesch!]<br/>         gliez sa mintgin rg: quest cudesch<br/>         quai e tschai [≠ tschai um!]<br/>         rg: tschel um</p> |
| <p><b>Il pronom 'sez'</b></p>  | <p><u>pronom subject</u></p> <p>jau mez (mezza)<br/>         ti tez (tezza)<br/>         el sez<br/>         ella sezza<br/>         nus sezs (sezzas)<br/>         vus sezs (sezzas)<br/>         els sezs<br/>         ellas sezzas</p> <p><u>exempels:</u><br/>         jau mez hai ditg quai<br/>         nus sezs savain quai<br/>         ellas sezzas fan quai</p> | <p><u>pronom object</u></p> <p>mamez (mamezza)<br/>         tatez (tatezza)<br/>         el sez<br/>         ella sezza<br/>         nus sezs (sezzas)<br/>         vus sezs (sezzas)<br/>         els sezs<br/>         ellas sezzas</p> <p><u>exempel:</u><br/>         jau lavur per mamez (per mai)<br/>         guarda per tatez (per tai)<br/>         i dependa dad els sezs/ellas sezzas</p> <p>Sch'il prn. obj. sa referescha al subject, vegn la furma da la 3. sg. e pl. remplazzada da <b>sasez</b>:<br/>         - cun sasez è el pli sever<br/>         - els guardan per sasezs<br/>         - ellas lavuran per sasezzas</p> |   |
| <p>7.5. Il pronom relativ</p>  |   |  |   |
| <p>relativ ordinari<br/>         a) dal nominativ<br/>         b) da l'accusativ</p> | <p><i>che</i><br/><i>che</i></p>  | <p>L'uffant <b>che</b> va a chasa.<br/>         La chasa <b>che</b> ti vesas.</p>  |   |
| <p>en cumbinaziun<br/>         cun preposiziuns</p>                                  | <p>il qual<br/>         ils quals<br/>         la quala<br/>         las qualas</p>   | <p>L'um, al qual jau hai scrit.<br/>         Ils uffants, cun ils quals el gioga.<br/>         La dunna, da la quala el discorra.<br/>         Las chasas, en las qualas nus abitain.</p>  |   |
| <p>7.6. Il pronom interrogativ</p>   |   |  |   |

|                          |  |  |
|--------------------------|--|--|
| <b>Furmas ed adiever</b> | tgi?<br><br>tge?<br><br>qual(s)?<br>quala(s)?<br><br>tgenin(s)?<br><br>tgenina(s)? | tgi vegn cun mai?<br>tgi clomas?<br>tgi che ha egls vesa<br>tge è quai?<br>tge fas ti qua?<br>jau sai tge che ti vuls<br>qual è il tieu?<br>prenda quala che ti vuls<br>qualas vulais vus prender?<br>tgenin has ti cumprà?<br>prenda tgenin che ti vuls<br>tge cudeschs legiais vus?<br>vuls ti propi savair tgenins? |
|--------------------------|--|--|

## 7.7. Il pronom indefinit

| <i>pronoms indefinits<br/>invariabels</i>                          | <i>pronoms indefinits<br/>variabels</i>   |   |
|--|---|---|
| i (igl avant voc.)<br>ins<br>insatgi<br>insatge<br>nagut<br>mintga | inqualin(a)<br>mintgin(a)<br>tschertin(a)s<br>auter(s), outra(s)<br>insaquant(a)s<br>varsaquant(a)s<br>intgin(a)s | inqual(a)s<br>nagin(a)s<br>pauc(a)s<br>plir(a)s<br>scadin(a)<br>tschert(a)s<br>tut(s), tutta(s)<br>tut il(s), tut la(s) |

**FAR**

|           |                 |
|-----------|-----------------|
| jau       | <b>fatsch</b>   |
| ti        | <b>fas</b>      |
| el/ella   | <b>fa</b>       |
| nus       | <b>faschain</b> |
| vus       | <b>faschais</b> |
| els/ellas | <b>fan</b>      |

pp.: fatg / fatga  
fatgs / fatgas

**LASCHAR**

|           |                 |
|-----------|-----------------|
| jau       | <b>lasch</b>    |
| ti        | <b>laschas</b>  |
| el/ella   | <b>lascha</b>   |
| nus       | <b>laschain</b> |
| vus       | <b>laschais</b> |
| els/ellas | <b>laschan</b>  |

pp.: laschè / laschada  
laschads / laschadas



## 7. ILS PRONOMS

### 7.4. Il pronom demonstrativ (supplement S)

#### Il diever dals pronoms demonstrativs *quai, gliez e tschai*

La furmas ***quai, gliez e tschai*** pon vegnir duvradas en rg unicamain absolut, pia:

*quai è vair, quai basta! quai sumeglia tai, co savess ins far quai?*  
*uschia è quai ozendi, discurrer da quai e da tschai,*  
*gliez na crai jau betg, gliez sa mintgin, gliez na fa betg senn*  
*tschai pos tagnair per tai, quai e tschai, sur da tschai pudain nus discurrer pli tard*

Quellas furmas na pon damai betg pli star avant in substantiv (sco adjectiv attributiv):

(\* *quai um*) > *quel um*  
 (\* *prenda quai rispli!*) > *prenda quel rispli!*  
 (\**en quei mument*) > *en quel mument*

(\**gliez di*) > *lez di*  
 (\* *dapi gliez onn*) > *dapi lez onn*

(\* *tschai cudesch*) > *tschel cudesch*

(\* *tschai enviern*) > *tschel enviern*

## 7. ILS PRONOMS

### 7.1. Il pronom persunal (supplement)

#### La posiziun dal pronom object nunaccentuà

Il pronom object nunaccentuà s'intercala per regla tranter il pronom subject e la furma finita (furma conjugada) dal verb:

El *ma* salida.

Ella *ta* scriva.

Quai vala er per las furmas cumponidas cun ils verbs auxiliars **avair**, **esser** e **vegnir**.

El *m'*ha envidà (-ada)\*.

El *l'*ha envidà (-ada)\*.

El *a/* ha envidà.

etc.

El *ma* vegn a gidar.

\*Accord facultativ!

#### Cun verbs modals:

Ils verbs modals **laschar** e **far** pretendan la medema posiziun dal pronom object nunaccentuà sco ils verbs auxiliars, damai avant il verb conjugà:

Ella *ta* lascha purtar quest cudesch.

Ella *ans* fa emprender matematica.

Tar ils auters verbs modals (**pudair**, **stuair**, **vulair**, etc.) è pussaivla tant la posiziun avant sco suenter il verb conjugà:

El *ma* vul dar in cudesch.

Nus *las* stuain emprender.

Vus *ma* pudais crair.

u: El vul *ma* dar in cudesch.

u: Nus stuain *las* emprender.

u: Vus pudais *ma* crair.

## 8.1. LA NEGAZIUN

|  |   |  |
|--|---|--|
| <p>avant consonant:</p> <p>→ negaziun simpla<br/>→ negaziun dubla</p>  | <p>na<br/>na ... betg</p>                                     | <p>Jau <b>na</b> lavur a Turitg.<br/>Jau <b>na</b> lavur <b>betg</b> a Turitg.</p>   |
| <p>avant vocal:</p> <p>→ negaziun simpla<br/>→ negaziun dubla</p>  | <p>nun<br/>n'... betg</p>                                     | <p>El <b>nun</b> è a chasa.<br/>El <b>n'è betg</b> a chasa.</p>  |
| <p>negaziun cumposta</p>   | <p>na/n'... + gnanc<br/>+ mai<br/>+ nagin<br/>+ nagut</p>     | <p>El <b>n'ha gnanc</b> pensà a tai.<br/>Ti <b>n'es mai</b> vegnì.<br/>Nus <b>na</b> vesain <b>nagin</b>.<br/>Vus <b>na</b> savais <b>nagut</b>.</p> |
| <p>imperativ negativ (cas normal)</p> <p>imperativ negativ cun in infinitiv<br/><i>cf. fegl separà</i></p>               | <p>(na) ... betg!<br/>(n') ... betg!<br/>betg + infinitiv</p> | <p>(na) fima betg!<br/>(na) trametta betg!<br/>(n') hajas betg tema!<br/>betg fimar, per plaschair!<br/>betg trametter!</p>                          |
|  | <p><i>furma affirmativa</i></p>                               | <p><i>furma negativa</i></p>   |
| <p>posiziun da las particlas da negaziun en cumbinaziun cun pronoms objects nunaccentuads<br/><i>cf. fegl separà</i></p> | <p>el ma scriva<br/>ti ta lavas<br/>ella vul ma gidar</p>     | <p>el <b>na</b> ma scriva (<b>betg</b>)<br/>ti <b>na</b> ta lavas (<b>betg</b>)<br/>ella <b>na</b> vul (<b>betg</b>) ma gidar</p>                    |

**PRENDER**

|           |                 |
|-----------|-----------------|
| jau       | <b>prend</b>    |
| ti        | <b>prendas</b>  |
| el/ella   | <b>prenda</b>   |
| nus       | <b>prendain</b> |
| vus       | <b>prendais</b> |
| els/ellas | <b>prendan</b>  |

pp.: **pre<sup>ndi</sup>** / prendida  
prendids / prendidas

**PIGLIAR**

|           |                 |
|-----------|-----------------|
| jau       | <b>pigl</b>     |
| ti        | <b>piglias</b>  |
| el/ella   | <b>piglia</b>   |
| nus       | <b>pigliain</b> |
| vus       | <b>pigliais</b> |
| els/ellas | <b>piglian</b>  |

pp.: piglià / pigliada  
pigliads / pigliadas

## 8. LA NEGAZIUN (recapitulaziun)

### **na**

*na, grazia!*

*dir na, dir da na*

*na e madinà! mai e pli mai!*

### **nagin(a)**

*nagin'olma, nagin auter che ti, nagin passagi!*

*nagin na dumonda suenter*

### **nagliur**

*Jau na vuless star nagliur auter.*

### **nagut**

*na dir nagut, na savair nagut*

### **navair? navaira?**

*u betg? betg?*

*Ti es da Domat, navair(a)?*

*Ella è da Basilea, u betg?*

### **navidas**

*Jau vom navidas davent.*

## Posiziun da las particlas da negaziun

### Cun furmas verbalas:

|                             |                             |  |
|-----------------------------|-----------------------------|--|
| <b>na</b> .....             | (avant cons.)               |  |
| <b>na</b> ..... <b>betg</b> | (avant cons.)               |  |
| <b>n'</b> ..... <b>betg</b> | (avant voc. e <i>h</i> mit) |  |
| <b>nun</b> .....            | (avant voc. e <i>h</i> mit) |  |

il *betg* è facultativ!  
 il *betg* è obligatori!  
senza il *betg*!

### Cun furmas verbalas analiticas:

*El n'ha **betg** salidà*

*Ella n'è **betg** vegnida*

*El **nun** ha salidà*

*Ella **nun** è vegnida*

*Ti n'avessas **betg** acceptà mia proposta*

*Vus n'eras **betg** a chasa*

### Cun pronoms reflexivs:

Jau **na** ma lav (**betg**)  
 Ella **na** s'allegra (**betg**) d'ir en vacanzas  
 Ti **na** ta sentas (**betg**) bain  
 Vus **n'**as vesais **betg** adina  
 Nus **n'**ans telefonain **betg**

Cun pronom object nunaccentuà:

Sch'il pronom object nunaccentuà preceda la furma finita (il verb auxiliar), stat l'emprima part da la negaziun (na, n', nun) immediat avant il pronom, la segunda part (**betg**) direct suenter la furma verbala finita:

El **na** ma salida (**betg**)  
 Ella **na** m'ha (**betg**) salidà/(salidada)  
 Ella **na** ma vegn (**betg**) a gidar  
 Vus **n'**ans avais **betg** communitgà voss arriv  
 Nus **n'**as dain **betg** quell'infurmaziun  
 Els **nun** as scrivan

El **na** ta lascha (**betg**) far quai  
 Ella **n'**ans fa **betg** emprender datas

Ella **na** ma vul (**betg**) dar il cudesch  
 Vus **na** ma stuais (**betg**) telefonar

Sch'il pronom object nunaccentuà suonda la furma finita, stat l'emprima particla da negaziun avant la furma finita, la segunda suenter la furma finita:

Ella **na** vul (**betg**) ma dar il cudesch  
 Vus **na** stuais (**betg**) ma telefonar

L'imperativ negativ:

**(na)** ..... **betg**

**(na)** parta **betg!**  
**(na)** fima **betg!**

**(na)** ma scriva **betg!**  
**(n')**as lavai **betg!**

cun l'infinitiv:

**betg** fimar per plaschair!  
**betg** trametter!  
**betg** telefonar!

La negaziun dubla

**ni** ..... **ni** ..... **na**

[**ni** in **ni** l'auter **n'è** vegnì]

[**ni** l'aur **ni** la pussanza **na** rendan ventiraivel]

[**ni** jau **ni** ti **na** savain quai]

ma: el u ella sto ir

**n'era** ..... **betg**

[Vas ti a kino? Na. Jau **n'era betg**]

**na** ..... (**betg**) **pli**

[El **na** va (**betg**) **pli** cun skis]

**na** ..... **gnanc**

[Jau **na** sun **gnanc** vegnida a pled]

**na** ..... **mai**

[Ella **na** va **mai** en vacanzas]

**na** ..... **nagin**

[Nus **n'avain** scuntrà **nagin**]

**na** ..... **nagut**

[El **na** vesa **nagut**]

**nun-**

nunpajabel, nunpussaivel, nunesistenza

**in- (im-)**

incredibel, inuffizial, impussibel, inesistenza

**betg -**

betg social, betg sportiv, betg uman, betg uffizial

**na-**

Na-Grischun, Na-Grischuna

Na-Rumantsch, Na-Rumantscha

9. IL VERB<sup>1</sup>

|   | 1. conjugaziun   | 2. conjugaziun   | 3. conjugaziun   | 4. conjugaziun   |
|---|--|--|--|--|
| <u>inf.</u>   | gid <u>ar</u>  | tem <u>air</u>   | vend <u>er</u>   | part <u>ir</u>   |
| <u>prs. ind.</u><br>jau<br>ti<br>el/ella<br>nus<br>vus<br>els/ellas             | gid<br>gid <u>as</u><br>gid <u>a</u><br>gid <u>ain</u><br>gid <u>ais</u><br>gid <u>an</u>                        | tem<br>tem <u>as</u><br>tem <u>a</u><br>tem <u>ain</u><br>tem <u>ais</u><br>tem <u>an</u>                        | vend<br>vend <u>as</u><br>vend <u>a</u><br>vend <u>ain</u><br>vend <u>ais</u><br>vend <u>an</u>                        | part<br>part <u>as</u><br>part <u>a</u><br>part <u>ain</u><br>part <u>ais</u><br>part <u>an</u>                        |
| <u>ipf.</u>   | gid <u>ava</u><br>gid <u>avas</u><br>gid <u>ava</u><br>gid <u>avan</u><br>gid <u>avas</u><br>gid <u>avan</u>     | tem <u>eva</u><br>tem <u>evas</u><br>tem <u>eva</u><br>tem <u>evan</u><br>tem <u>evas</u><br>tem <u>evan</u>     | vend <u>eva</u><br>vend <u>evas</u><br>vend <u>eva</u><br>vend <u>evan</u><br>vend <u>evas</u><br>vend <u>evan</u>     | part <u>iva</u><br>part <u>ivas</u><br>part <u>iva</u><br>part <u>ivan</u><br>part <u>ivas</u><br>part <u>ivan</u>     |
| <u>fut.</u>   | vegn a gidar<br>vegn a gidar<br>vegn a gidar<br>vegnin a gidar<br>vegnis a gidar<br>vegnan a gidar               | vegn a temair<br>vegn a temair<br>vegn a temair<br>vegnin a temair<br>vegnis a temair<br>vegnan a temair         | vegn a vender<br>vegn a vender<br>vegn a vender<br>vegnin a vender<br>vegnis a vender<br>vegnan a vender               | vegn a partir<br>vegn a partir<br>vegn a partir<br>vegnin a partir<br>vegnis a partir<br>vegnan a partir               |
| <u>pp.</u>  | gid <u>à/-ada</u>  | tem <u>i/-ida</u>  | vend <u>i/-ida</u>   | part <u>i/-ida</u>   |
| <u>pft.</u>   | hai gidà<br>has gidà<br>ha gidà<br>avain gidà<br>avais gidà<br>han gidà  | hai temi<br>has temi<br>ha temi<br>avain temi<br>avais temi<br>han temi  | hai vendi<br>has vendi<br>ha vendi<br>avain vendi<br>avais vendi<br>han vendi  | sun parti/-ida<br>es parti/-ida<br>è parti/-ida<br>essan partids/-idas<br>essas partids/-idas<br>èn partids/-idas      |
| <u>plqpft.</u>  | aveva gidà   | aveva temi   | aveva vendi  | era parti/-ida   |
| <u>conj. prs.</u><br>che jau<br>che ti<br>ch'el<br>che nus<br>che vus<br>ch'els | gid <u>ia</u><br>gid <u>ias</u><br>gid <u>ia</u><br>gid <u>ian</u><br>gid <u>ias</u><br>gid <u>ian</u>           | tem <u>ia</u><br>tem <u>ias</u><br>tem <u>ia</u><br>tem <u>ian</u><br>tem <u>ias</u><br>tem <u>ian</u>           | vend <u>ia</u><br>vend <u>ias</u><br>vend <u>ia</u><br>vend <u>ian</u><br>vend <u>ias</u><br>vend <u>ian</u>           | part <u>ia</u><br>part <u>ias</u><br>part <u>ia</u><br>part <u>ian</u><br>part <u>ias</u><br>part <u>ian</u>           |
| <u>cund.</u>  | gid <u>ass</u><br>gid <u>assas</u><br>gid <u>ass</u><br>gid <u>assan</u><br>gid <u>assas</u><br>gid <u>assan</u> | tem <u>ess</u><br>tem <u>essas</u><br>tem <u>ess</u><br>tem <u>essan</u><br>tem <u>essas</u><br>tem <u>essan</u> | vend <u>ess</u><br>vend <u>essas</u><br>vend <u>ess</u><br>vend <u>essan</u><br>vend <u>essas</u><br>vend <u>essan</u> | part <u>iss</u><br>part <u>issas</u><br>part <u>iss</u><br>part <u>issan</u><br>part <u>issas</u><br>part <u>issan</u> |
| <u>ipv.</u>   | gid <u>a!</u> gid <u>ai!</u><br>(na) gida betg!  | tem <u>a!</u> tem <u>ai!</u><br>(na) tema betg!  | vend <u>a!</u> vend <u>ai!</u><br>(na) venda betg!   | part <u>a!</u> part <u>ai!</u><br>(na) parta betg!   |
| <u>grd.</u>   | gid <u>ond</u>   | tem <u>end</u>   | vend <u>end</u>  | part <u>ind</u>  |

<sup>1</sup> Las conjugaziuns da tut ils verbs rg èn integradas en il Pledari grond, la banca da datas linguisticas da la LR.

**AVAIR**

|           |       |
|-----------|-------|
| jau       | hai   |
| ti        | has   |
| el/ella   | ha    |
| ins       | ha    |
| igl       | ha    |
| nus       | avain |
| vus       | avais |
| els/ellas | han   |

**ESSER**

|           |       |
|-----------|-------|
| jau       | sun   |
| ti        | es    |
| el/ella   | è     |
| ins       | è     |
| igl       | è     |
| nus       | essan |
| vus       | essas |
| els/ellas | èn    |

ipf.: *jau aveva, ti avevas, el/ella aveva, ins aveva, igl aveva, nus avevan, vus avevas, els/ellas avevan*

fut.: *jau vegn ad avair, ti vegns ad avair, el/ella vegn ad avair, ins vegn ad avair, i vegn ad avair, nus vegnin ad avair, vus vegnis ad avair, els/ellas vegnan ad avair*

pp.: *gi*  
conj. prs.: *che jau haja, che ti hajas, ch'el/ella haja, ch'ins haja, ch'igl haja, che nus hajan, che vus hajas, ch'els/ellas hajan*

cund.: *jau avess, ti avessas, el/ella avess, ins avess, igl avess, nus avessan, vus avessas, els/ellas avessan*

ipv.: *hajas! hajas!*  
grd.: *avend*

ipf.: *jau era, ti eras, el/ella era, ins era, igl era, nus eran, vus eras, els/ellas eran*

fut.: *jau vegn ad esser, ti vegns ad esser, el/ella vegn ad esser, ins vegn ad esser, i vegn ad esser, nus vegnin ad esser, vus vegnis ad esser, els/ellas vegnan ad esser*

pp.: *stà/stada*  
conj. prs.: *che jau saja, che ti sajas, ch'el/ella saja, ch'ins saja, ch'i saja, che nus sajan, che vus sajas, ch'els/ellas sajan*

cund.: *jau fiss, ti fissas, el/ella fiss, ins fiss, i fiss, nus fissan, vus fissas, els/ellas fissan*

ipv.: *sajas! sajas!*  
grd.: *essend/siond*



## 9.1. La furmaziun da la 1. sg. indicativ preschent

La 1. persuna singular da l'indicativ preschent n'ha per regla nagina desinenza en rumantsch grischun: *jau gid*, *jau tem*, *jau vend*, *jau part*, euv.

Verbs cun ina consonanza dubla termineschan a la 1. sg. per regla cun in consonant simpel, pia: *buffar – jau buf*, *controllar – jau control* (u: *controllesch*), *zuppar – jau zup*, *carrer – jau cur*, *metter – jau met*, *stizzar – jau stiz*, etc. In'excepziun fan ils verbs cun –ss-. Quels mantegnan era a la 1. sg. il s dubel, damai: *incassar – jau incass* (u: *incassesch*), *mussar – jau muss*, *passar – jau pass*, etc. cf. era la 1. sg. dals dus verbs irregulars *pu dair – jau poss*, *stuair – jau stoss* (però: *ti pos*, *ti stos*).

### Adiever da la desinenza -el

#### A. Facultativ

A la 1. persuna singular da l'indicativ preschent cumparan a la fin dal pled per part suns e gruppas da suns nunusitads en quella posiziun (consonant + l / r) : *jau contempl*, *jau cumpr*, *jau dovr*, *jau suffl*, euv. En quels cas pon ins duvra era las furmas cun la desinenza **-el**.

Damai:

|                   |   |                     |   |                       |                                 |
|-------------------|---|---------------------|---|-----------------------|---------------------------------|
| <i>avrir</i>      | ⇒ | <i>jau avr</i>      | u | <i>jau avrel</i>      | era:<br><i>jau contemplesch</i> |
| <i>contemplar</i> | ⇒ | <i>jau contempl</i> | u | <i>jau contemplel</i> |                                 |
| <i>cumprar</i>    | ⇒ | <i>jau cumpr</i>    | u | <i>jau cumprel</i>    | <i>jau suffresch</i>            |
| <i>duvra</i>      | ⇒ | <i>jau dovr</i>     | u | <i>jau dovrel</i>     |                                 |
| <i>numnar</i>     | ⇒ | <i>jau numn</i>     | u | <i>jau numnel</i>     |                                 |
| <i>sgriflar</i>   | ⇒ | <i>jau sgrifl</i>   | u | <i>jau sgriflel</i>   |                                 |
| <i>sufflar</i>    | ⇒ | <i>jau suffl</i>    | u | <i>jau sufflel</i>    |                                 |
| <i>suffrir</i>    | ⇒ | <i>jau suffr</i>    | u | <i>jau suffrel</i>    |                                 |
| euv.              |   |                     |   |                       |                                 |

*offrir: jau offr* u *jau offresch*

#### B. Obligatori

Adina la desinenza **-el** han las furmas suandantas:

- Pleds d'ina silba che fineschan cun in vocal survegnan la desinenza **-el** per facilitar la chapientscha.

|              |   |                         |
|--------------|---|-------------------------|
| <i>cuar</i>  | ⇒ | <i>jau cu<u>el</u></i>  |
| <i>liar</i>  | ⇒ | <i>jau li<u>el</u></i>  |
| <i>nuar</i>  | ⇒ | <i>jau nu<u>el</u></i>  |
| <i>scuar</i> | ⇒ | <i>jau scu<u>el</u></i> |
| <i>suar</i>  | ⇒ | <i>jau su<u>el</u></i>  |

era:

*colliar* ⇒ *jau colliel* u *jau colliesch*

ma:

*schliar* ⇒ *jau schliel*

*luar* ⇒ *jau lieu*

- la 1. persuna singular indicativ preschent dals verbs cun in [g lom] a la fin dal tschep:

|                   |   |                             |
|-------------------|---|-----------------------------|
| <i>battegiar</i>  | ⇒ | <i>jau batte<u>gel</u></i>  |
| <i>chargiar</i>   | ⇒ | <i>jau charg<u>el</u></i>   |
| <i>mangiar</i>    | ⇒ | <i>jau mang<u>el</u></i>    |
| <i>sagiar</i>     | ⇒ | <i>jau sag<u>el</u></i>     |
| <i>studegiar</i>  | ⇒ | <i>jau stude<u>gel</u></i>  |
| <i>zambregiar</i> | ⇒ | <i>jau zambre<u>gel</u></i> |
| <i>curreger</i>   | ⇒ | <i>jau curre<u>gel</u></i>  |
| <i>diriger</i>    | ⇒ | <i>jau dirig<u>el</u></i>   |
| <i>leger</i>      | ⇒ | <i>jau leg<u>el</u></i>     |
| <i>fugir</i>      | ⇒ | <i>jau fug<u>el</u></i>     |
| <i>(s)bragiar</i> | ⇒ | <i>jau (s)brag<u>el</u></i> |
| euv.              |   |                             |

ma:

*plegar* ⇒ *jau pleg [g]*

*segar* ⇒ *jau seg [g]*

- Ils verbs sin -ziar e -miar:

|                   |   |                              |
|-------------------|---|------------------------------|
| <i>annunziar</i>  | ⇒ | <i>jau annunzi<u>el</u></i>  |
| <i>denunziar</i>  | ⇒ | <i>jau denunzi<u>el</u></i>  |
| <i>engraziar</i>  | ⇒ | <i>jau engrazi<u>el</u></i>  |
| <i>pronunziar</i> | ⇒ | <i>jau pronunzi<u>el</u></i> |
| <i>renunziar</i>  | ⇒ | <i>jau renunzi<u>el</u></i>  |
| <i>lumiari</i>    | ⇒ | <i>jau lom<u>iel</u></i>     |
| <i>siemiari</i>   | ⇒ | <i>jau siem<u>iel</u></i>    |
| <i>sgiamiari</i>  | ⇒ | <i>jau sgiom<u>iel</u></i>   |
| <i>stgiamiari</i> | ⇒ | <i>jau stgom<u>iel</u></i>   |
| euv.              |   |                              |

Atenziun: Bliers verbs sin -ziar han a la 1. sg. ind. prs. la furma sin **-esch**: *jau apprezzesch*, *differenzesch*, *distanzesch*, *finanzesch*, *inizesch*, *negozesch*, *sentenzesch*, euv.

## • Ils verbs

|                   |   |                              |
|-------------------|---|------------------------------|
| <i>distinguer</i> | ⇒ | <i>jau disting<u>ue</u>l</i> |
| <i>extinguer</i>  | ⇒ | <i>jau exting<u>ue</u>l</i>  |
| <i>giaschair</i>  | ⇒ | <i>jau giasch<u>e</u>l</i>   |
| <i>plaschair</i>  | ⇒ | <i>jau plasch<u>e</u>l</i>   |